

Broj: 05-02-17-32/2020-10  
Sarajevo, 06.10.2020. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), sekretar Vlade Federacije Bosne i Hercegovine, d o n o s i

**O D L U K U**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA – NABAVKA MREŽNE**  
**OPREME ZA POTREBE GENERALNOG SEKRETARIJATA VLADE FEDERACIJE BOSNE I**  
**HERCEGOVINE**

**I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka mrežne opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 05-02-17-32/2020-1, broj Obavještenja o nabavci sa portala javnih nabavki: 854-7-1-74-3-9/20 od 31.08.2020. godine, kao najbolje ocijenjena prihvatljiva ponuda je ponuda ponuđača TeleGroup d.o.o. Sarajevo, sa ukupnom cijenom ponude bez PDV-a, nakon provedene e-Aukcije, u iznosu **27.000,05 KM**.

**II.**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## Obrazloženje

Postupak nabavke pokrenut je Odlukom o pokretanju postupka javne nabavke, broj: 05-02-17-32/2020 od 24.08.2020. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 27.000,00 KM. Obavijest o nabavci poslana je na objavu 31.08.2020. godine, te je istog dana objavljena na portalu Javnih nabavki pod brojem: 854-7-1-74-3-9/20.

Tendersku dokumentaciju preuzelo je 29 (dvadesetdevet) privrednih subjekata, a 3 (tri) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: MIBO Komunikacije d.o.o. Sarajevo, Printer ITSS d.o.o. Sarajevo i TeleGroup d.o.o. Sarajevo.

Komisija za javne nabavke, imenovana Rješenjem, broj: 05-30-18-R-11/2020 od 24.08.2020. godine, izvršila je pregled i ocjenu ponuda, te konstatovala da su, od ukupno 3 (tri) dostavljene ponude, prihvatljive 2 (dvije) i to ponude ponuđača: MIBO Komunikacije d.o.o. Sarajevo i TeleGroup d.o.o. Sarajevo, dok je 1 (jedna) neprihvatljiva i to ponuda ponuđača: Printer ITSS d.o.o. Sarajevo.

Ponuda ponuđača Printer ITSS d.o.o. Sarajevo odbačena je iz sljedećih razloga:

- Ugovorni organ je dana 07.09.2020. godine izvršio izmjenu Tenderske dokumentacije, broj: 05-02-17-32/2020-1 odnosno izmjenu Aneksa 3 – obrazac za cijenu ponude – robe (mrežna oprema) i objavio izmjenu iste na portalu javnih nabavki.

Ponuđač Printer ITSS d.o.o. Sarajevo je preuzeo izmjenu Tenderske dokumentacije, dana 08.09.2020. godine u 13.31 sati i prilikom pripreme Ponude trebao je koristiti izmijenjeni Aneks 3 – obrazac za cijenu ponude – robe (mrežna oprema).

Komisija je prilikom evaluacije Ponude konstatovala da Ponuđač nije koristio izmijenjeni obrazac za cijenu ponude – robe (mrežna oprema), nego je popunio i u ponudi dostavio Aneks 3 – obrazac za cijenu ponude – robe (mrežna oprema), koji je činio sastavni dio Tenderske dokumentacije prije izmjene iste.

U tački 4. **Obrazac za cijenu ponude** Tenderske dokumentacije, između ostalog, propisano je: "*Obrazac za cijenu ponude – robe Aneks 3 se priprema u skladu sa zahtjevima iz ove tenderske dokumentacije i čini sastavni dio. Ponuđač je dužan dostaviti popunjen obrazac za cijenu ponude u skladu sa zahtjevima kako su definirani za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima za sve stavke koje su navedene, njegova ponuda će biti odbačena..*".

- U Aneksu 3 – obrazac za cijenu ponude – robe (mrežna oprema) u NAPOMENI tačka 7. navedeno je: "***Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba sa jasno označenim traženim tehničkim karakteristikama iz kojih se može utvrditi da ponuđena roba zadovoljava traženu tehničku specifikaciju...***".

Ponuđač Printer ITSS d.o.o. Sarajevo u ponudi nije dostavio detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba sa jasno označenim traženim tehničkim karakteristikama iz kojih se može utvrditi da ponuđena roba zadovoljava traženu tehničku specifikaciju.

- U Tenderskoj dokumentaciji, Poglavlje IV PODACI O PONUDI, tačka 1. Sadržaj i način pripreme Ponude propisano je između ostalog: "*... Pri pripremi ponude ponuđač se mora pridržavati zahtjeva iz Tenderske dokumentacije.. Ponuda treba sadržavati sljedeće: ... 11. Obrazac Izjave o podugovaranju – Aneks 9... Ponuđač je obavezan da pripremi ponudu u skladu s uvjetima utvrđenim u ovoj tenderskoj dokumentaciji. Ponude koje nisu u skladu s ovom tenderskom dokumentacijom će biti odbačene kao neprihvatljive, sve u skladu s članom 68. Zakona.*".

Ponuđač Printer ITSS d.o.o. Sarajevo u Ponudi nije dostavio Obrazac Izjave o podugovaranju – Aneks 9 kako je traženo u Tenderskoj dokumentaciji.

- U Tenderskoj dokumentaciji, Poglavlje III UVJETI ZA KVALIFIKACIJU, tačka 1.2. podtačka c. propisano je: „U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti: **Potvrdu poslovne banke o solventnosti ponuđača**, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (31.08.2020. godine), transakcijski račun ponuđača nije bio blokiran...”.

Ponuđač Printer ITSS d.o.o Sarajevo dostavio je Potvrdu, broj: 016000-1196/20 od 09.09.2020. godine izdatu od Nove banke a.d. Banja Luka, kojom se potvrđuje da po računu poslovnog subjekta nema dospjelih, a neizmirenih obaveza na datum 09.09.2020. godine. Također je navedeno da nije imao blokadu u periodu od otvaranja računa do 08.09.2020. godine odnosno evidentirane naloge prinudne naplate.

Iz priloženog dokaza ne može se utvrditi da transakcijski račun Ponuđača nije bio blokiran u posljednjih 12 (dvanaest) mjeseci. Tačnije u potvrdi nije precizno navedeno da račun ponuđača nije bio blokiran u proteklih 12 (dvanaest) mjeseci nego se samo može zaključiti da se potvrda odnosi na period „od otvaranja računa“ bez preciznog i tačnog navođenja datuma kada je račun otvoren.

U skladu sa tačkom V. Odluke o pokretanju postupka javne nabavke, broj: 05-02-17-32/2020 od 24.08.2020. godine provedena je e-Aukcija dana 02.10.2020. godine, sa početkom u 10.30 sati.

Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-17-32/2020-8 od 02.10.2020. godine, u kojem je konstatala da je ponuda ponuđača TeleGroup d.o.o. Sarajevo, sa registriranim sjedištem u Sarajevu, ID broj: 4202127640005 prihvatljiva u smislu kvalifikacionih uvjeta postavljenih u Tenderskoj dokumentaciji, ali da ista, prekoračuje procijenjenu vrijednost javne nabavke, koja je iznosila 27.000,00 KM bez PDV-a. Odnosno cijena ponude je veća za 0,05 KM u odnosu na procijenjenu vrijednost javne nabave i iznosi 27.000,05 KM.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije.

Izabrani ponuđač dostavio je prihvatljivu ponudu u skladu sa uvjetima postavljenim u Tenderskoj dokumentaciji.

Sekretar Vlade Federacije Bosne i Hercegovine dala je Saglasnost, broj: 05-02-17-32/2020-9 od 05.10.2020. godine da se predmetni postupak nastavi, jer se ne radi o znatno većoj cijeni prihvatljive ponude u odnosu na procijenjenu vrijednost javne nabavke i da Ugovorni organ ima dovoljno sredstava u Budžetu za finansiranje ovog ugovora.

Uzimajući u obzir naprijed navedeno, odlučeno je kao u dispozitivu ove odluke.

#### POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

mr. sc. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove